

Universitätsbibliothek Paderborn

**R. P. Richardi Arsdekin Soc. Iesu S. Theol. Professoris
Theologia Tripartita Sive Resolutiones Polemicæ,
Speculativæ, Practicæ, Controversiarum, & Quæstionum,
etiam recentissimarum, quæ in Schola, & ...**

Missionarijs, & alijs animarum Curatoribus, & Theol. studiosis solerter
accommodatæ ...

De Controversijs Polemicis, & Scholasticis, etiam modernis

Archdekin, Richard

Antverpiæ, 1682

Controversia 8. De Iustificatione, & gratia Habituali.

urn:nbn:de:hbz:466:1-40853

Iunctatis consistat : ideo vult converti, quia congruenter per gratiam vocatus est ; ideo congruenter vocatus, quia voluit Deus gratiam, quam novit congruentem, nunc homini largiri.

Ita docet haec sententia , quam breviter retulisse sufficiat , quoniam ab illa contra quosdam alios stabiliendā hic abstinere debo. Argumenta quædam, quæ pro gratia victrici superius relata hoc tempore adducuntur , resoluta sunt supra in Cont. de Scientia media, & præcipue part. 1. tract. 2. cap. 2. ubi contra propositiones Janseñij ostendimus, Interiori gratiæ in statu naturæ lapsæ voluntatem humanam posse resistere.

CONTROVERSIA OCTAVA

De Iustificatione, & gratia habituali.

Dico primò : Ad Iustificationem impij non sufficit peccata non imputari , sed requiri-
tur Sanctificatio, & renovatio interioris homi-
nis, per voluntariam susceptionem gratiæ , &
donorum. Ita definit Tridentinum *Sess. 6. cap. 7.*
contra Lutherum , Calvinum , eorumque asse-
clas, qui negant per Iustificationem impij pec-
cata tolli aut deleri , sed tantum regi, & homini
amplius non imputari. At contra ; concipi non
potest quo modo possint peccata Deo tegi , nisi
penitus aboleantur fieri enim non potest ut quæ
vondum sunt deleta , divinis oculis omnia cer-
nentibus tegi possint.

Dico Secundò : Datur forma hominem Sanc-
tificans , distincta ab omni actu justi , habitua-
liter inhærens , & permanenter justum consti-
tuens, quæ dicitur Gratia habitualis. Ita docent

S 2

modò

432 Pars 2. Conrrov. 8. De Iustificatione,
modò omnes Theologi , quorum multi censem
esse de fide, quamvis hoc neget Sotus , Canus,
Bannez , Vasquez disp. 103. cap. 6. si agatur de
Iustificatione adulti extra Sacramentum per ac-
tum Charitatis, aut contritionis perfectæ, quos
actus putant per se formaliter Iustificare.

Probatur autem assertio universaliter ex Tri-
dentino Sess. 6. cap. 7. & can. 11. Si quis dixerit
homines Iustificari... exclusâ gratiâ , & charitate que
in cordibus eorum per Spiritum Sanctum diffunditur,
atque illis inheret &c. anathema sit. Atqui certum
est parvulis formam illam permanenter inhæ-
rere, absque ullo actu sua voluntatis , dum per
Baptismum Iustificantur : certum quoque est in
adultis formam illam non consistere in aliquo
eorum actu dum Iustificantur per aliquid Sa-
cramentum v. g. pænitentiæ cum sola attritio-
ne , quæ communi omnium consensu non est
forma Iustificans. Ergo dicendum est universim
etiam extra Sacramentum formam Iustifican-
tem sitam esse in gratia Sanctificante, quæ ani-
mæ, etiam dum nullum actum elicit, permanen-
ter inhæreat. Actus autem Charitatis & contri-
tionis perfectæ tantum sunt prævia dispositio ad
gratiæ sanctificantem , quæ per se formaliter
Iustificat.

Atque hanc esse mentem Concilij non parum
confirmant verba Cardinalis Pallavicini in Hist.
Tridentini Part. 1. lib. 8. cap. 14. Denique, inquit,
considero quod mens Concilij fuit stabilire ha-
bitum infusum Iustitiae, & non meram Iustitiam
intrinsecam , non determinando an illa sit vel
actus, vel habitus... quod mihi redditur notum
propterea quod tunc , requirente quodam ut
magis expressè declararetur fieri Iustitiam per
habitum infusum ; responderunt deputati , satis
hoc

hoc declarari voce *inherentia*, quod importat stabilitatem, & convenit habitibus non actibus.

Dico tertio: Etsi gratia habitualis diversa sit ab actu, non distinguitur tamen ab habitu charitatis. Est communior sententia Theologorum, contra plerosque Thomistas.

Probatur, Quia nullum inter hæc reperitur sufficiens distinctionis indicium, nam quæcumque convenientiunt gratiæ habituali, ea pænè omnia Scripturæ attribuunt charitati, ut Joan. 4. v. 15. Qui manet in charitate manet Deus in eo. Et Joan. 3. v. 1. Videte quamē charitatem dedit nobis Deus, ut Filij Dei nominemur & simus. Deum autem in nobis permanere, & constitui nos filios Dei, est formaliter effectus proprius gratiæ habitualis. Hinc Tridentinum *Seff. 6. cap. 7. gratiam* hanc cum Apostolo vocat charitatem, dum asserit, per Spiritum Sanctum charitatem Dei diffundi in cordibus eorum qui justificantur. Consentire videtur S. Augustinus *trat. 5. in Epist. 1. Joannis*, dum ait, charitatem esse quæ separat inter filios Dei, & inter filios perditionis.

Neque his obstat quod aliquando Concilia, dum mentionem faciunt de donis, gratiam & charitatem distinctè commemorant: quia per plures voces res eadem diverso modo indicatur, dicitur enim gratia prout importat amorem Dei erga hominem, qui hunc per donum justitiae reddit sibi amabilem, nominatur etiam charitas, prout efficit amorem quo Deus ab homine dignè diligitur.

Dico quartò, Gratia habitualis hominem per se ita sanctificat, ut stare nequeat cum peccato mortali, etiam de potentia Dei **absoluta**. Ita docet Vasquez *disp. 104. Turrianus, Granadus*,

S 3

Sotus,

Sotus , Esparsa , aliquae communiter ; Contra Scotum, Gabriclem , Occamum , aliosque Nominales, qui censem gratiam repugnare peccato non ex natura rei, sed ex sola Dei institutione : & contra Suarez qui statuit repugnantiam tantum naturalem , quales est inter calorem & frigus, non verò absolutam.

Probatur autem assertio ex verbis Tridentini Sess. 6. cap. 7. Iustificationis unica causa formalis est justitia Dei , non quâ ipse justus est , sed quia nos justos facit. Si est causa unica, hoc ipso est causa adæquata iustificationis , ergo impossibile est animam cui gratia unica est non esse justam , quia causæ formali necessariò respondet effectus formalis, justa autem non esset, aut Deo grata, si illi cum gratia simul inesset peccatum. Neque refert quod gratia & peccatum non opponantur ut forma & ejus privatio , aut ut duo actus formaliter contrarij , quia repugnant saltem ut duo actus oppositi consecutivè ; si enim simul existerent , rectè sequeretur in Deo dari actus incompossibilis, amorem scilicet & odium respectu ejusdem personæ, cui simul inesset gratia & peccatum.

CONTROVERSIA NONA

De Merito bonorum operum.

Meritum in concreto dicitur , opus bonum, in obsequium alterius factum , ex se idoneum ad aliquid obtainendum per modum praemij. Differt ab *Impetrazione* , quod hæc moveat ad aliquid obtainendum per modum petitionis : & à *Satisfactione* quod hæc sit quedam redditio æqui-